

摘藻堂四庫全書薈要

集部

欽定四庫全書薈要

集部

御定全唐詩卷

四百九十九至
五百二

詳校官原任主事臣李斯咏



欽定四庫全書薈要卷一萬七千九百四集部

御定全唐詩卷四百九十九

姚合

題鳳翔西郭新亭



西郭塵埃外新亭制度奇地形當要處人力是閒時結
構方殊絕高低更合宜棟梁清俸買松竹遠山移佛一作

僧寺幽難敵仙家景一作境可追一作遺良工慙巧盡上客

恨逢遲兩面寒一作清波漲當前軟一作嫩柳垂清虛宜月

入涼冷勝風吹宴賞軍容靜登臨妓樂隨魚龍聽弦管

鳧鷖識旌旗泛鷁春流濶飛觴白日欹閒花一作雲長在

戶嫩蘚乍緣墀永望情無極頻來困不辭雲峯晴轉翠

一作出烟樹曉一作晚逾滋向野惟貪靜臨空遽覺危行人

如不到遊樂更何一作信虛為

題金州西園九首

江榭

亭亭白雲榭下有清江流見江不得親不如波上鷗有

榭江可見無榭無雙眸

藥堂

僮僕不到闕雙扉常自闕四壁畫遠水堂前聳秋山時
聞有仙鼠竊藥簷隙間

草閣

編草覆柏椽軒扉皆竹織閣成似僧居學僧居未得有
時公府勞還復來此息

松壇

盤盤松上蓋下覆青石壇月中零露垂日出露尚溥山

翁稱絕境海橋

一作橋

無所觀

夔徑

藥院境亦高往來踏夔影方當繁暑日草屨微微冷愛
此不能行折薪坐煎茗

垣竹

種竹愛庭際亦以資玩賞窮秋雨蕭條但見牆垣長宣
尼高數仞固應非土壤

石庭

布石滿山庭磷磷潔還清幽人常履此月下屐齒鳴藥
草枝葉動似向山中生

莓苔

一作苔階

茅堂階豈高數寸是苔蘚只恐秋雨中窗戶亦不濺眼
前無此物我情何由遣

芭蕉屏

芭蕉叢叢生月照參差影數葉大如牆作我門之屏稍

稍聞見稀耳目得安靜

杏溪十首

杏溪

桃花四散飛桃子壓枝垂寂寂青陰裏幽人舉步遲殷
勤念此徑我去復來誰

蓮塘

方塘菡萏高繁艷相照耀幽人夜眠起忽疑野中燒曉
尋不知休白石岸亦峭

架水藤

濛濛紫花藤下復清溪水若遣隨波流不如風飄起風

飄或近堤

一作人

隨波千萬里

石潭

曉向潭上行夕就潭邊宿清冷無波瀾

潘岳賦說游儵之激

激音閉游行貌

魚相逐釣翁坐不起見我往來熟

溪路

此路何瀟灑永無公卿跡日日多往來藜杖與桑屐路

邊何所有磊磊青淥石

望江峯

念昔有此峯在彼江陵先舉世未能知愚亦望同賢我
來心益悶欲上天公牋

杏水

不與江水接自出林中央穿花復遠水一作遠澗一山聞杏

香我來持茗甌日屢此來

一作夕
坐烹嘗

渚上行

葉葉新春筠下復清淺流微風屢此來決決復修修詩
人月下吟月墮吟不休

楓林堰

森森楓樹林護此石門堰杏隄數里餘楓影覆亦徧鷓
鴒與釣童質異同所願

石瀨

散漫復潺湲半砂半和石清風波亦無歷歷魚可搦我
來亦屢久歸路當日夕

陝下厲玄侍御宅五題

濯纓溪

舊山寧要去此有濯纓泉
曉景松枝覆秋光月色連
行尋屐齒盡坐對角巾偏
寂寂幽棲處無妨請俸錢

垂釣亭

由釣起茅亭柴扉復竹楹
波清見絲影坐久識魚情
白鳥依窗宿青蒲傍砌生
欲同漁父舍須自減逢迎

吟詩島

一作臺

幽島蘚層層詩人日日登坐危石是榻吟冷唾成冰靜
對唯秋水同來但老僧竹枝題字一作寄處小篆復誰能

竹裏徑

微徑嬋娟裏唯聞靜者知跡深苔長處步狹笋生時高
是連幽樹窮應到曲池紗巾靈壽杖行樂復相宜

泛觴泉

不上酒家樓池邊日獻酬杯來轉巴字客坐遶方流酌
滴苔紋斷泉連石岸秋若能山下置歲晚願同遊

題僧院引泉

泉眼高千尺山僧取得歸
架空橫竹引鑿石透渠飛
洗藥溪流濁澆花雨力微
朝昏長遶看護惜似持衣

題家園新池

一本無
題字

數日自穿池引泉來近陂
尋渠通咽處遶岸待清時
深好求魚養閒堪與鶴期
幽聲聽難盡入夜睡常遲

詠盆池

一本無
詠字

浮萍重疊水團圓客遶千
遭屐齒痕莫驚池裏尋常
滿

一井清泉是上源

買太湖石

我嘗遊太湖愛石青嗟我波濶取不得自後長咨嗟奇
哉賣石翁不傍豪貴家負石聽苦吟雖貧亦來過貴我
辨識精取價復不多比之昔所見珍怪頗更加背面淙
注痕孔隙若琢磨水稱至柔物湖乃生壯波或云此天
生嵌空亦非他氣質偶不合如地生江河置之書房前
曉霧常紛羅碧光入四鄰牆壁難蔽遮客來謂我宅忽

若巖之阿

天竺寺殿前立石

補天殘片女媧拋撲落禪門壓地坳霹靂劃深龍舊攪
屈槃痕淺虎新抓苔粘月眼風挑剔塵結雲頭雨磕敲
秋至莫言長砣立春來自有薜蘿交

杭州觀潮

樓有章

一作
樟

亭號濤來自古今勢連滄海濶色比白雲

深怒雪驅寒氣狂雷散大音浪高風更起波急石難沈

鳥懼多遙過龍驚不敢吟
坳如開玉穴危似走瓊岑
但褫千人魄那知伍相心
岸摧連古道洲漲踣叢林
跳沫山皆濕當江日半陰
天然與禹鑿此理遣誰尋

題李頻新居

賃居求賤處深僻任人嫌
葢地花如繡當門竹勝簾
勸僧嘗藥酒教僕辨一作認
書簽庭際山宜小休令著石添

寄題縱上人院

營營是與非前樂後還悲
今世已如此他生願似師
禪

房空旦暮畫壁半陳隋
遠徑蒼苔跡幽人來是誰

題山寺

千重山崦裏樓閣影參差
未暇尋僧院先看置寺碑
竹深行漸暗石穩坐多時
古塔蟲蛇善陰廊鳥雀癡
雲開上界近泉落下方遲
為愛青桐葉因題滿樹詩

題貞女祠

此女骨為土貞名不可移
精靈閔何處蘋藻奠空祠
水石生異狀杉松無病枝
我來方謝雨延滯失歸期

題刑部馬員外修行里南街新店

帝里誰無宅青山祇屬君
閒窗連竹色幽砌上苔文
遠近高低樹東西南北雲
朝朝常獨見免被四鄰分

題郭侍郎親仁里幽居

入門塵外思苔徑藥苗間
洞裏應生玉庭前自有山
帝城唯此靜朝客更誰閒
野鶴松中語時時去復還

題一作游宣義池亭

春入池亭好風光暖更鮮
尋芳行不困逐勝坐還遷
細

草亂如髮幽禽鳴似弦苔文翻古篆石色學秋天花落
能漂酒萍開解避船暫來還愈一作猶差疾久住合成仙迸
笋搯堦起垂藤壓樹偏此生應借看自計一作料買無錢

題薛十二

一作一

池亭

一作王建詩

每日樹邊消一日遶池行過又須行異花多是非時有
好竹皆當要處生斜立小橋看島勢遠移幽石作泉聲
浮萍著岸風吹歇水面無塵晚更清

題大理崔少卿駙馬林亭

每來歸意懶都尉似山人臺榭栖

一作停

雙鷺松篁隔四

隣迸泉清勝雨深洞暖如春更看題詩處前軒粉壁新

題杭州南亭

舊隱即雲林思歸日日深如今來此地無復有前心古

石生靈草長松栖異禽暮潮簷下過濺浪濕衣襟

題鄭

一作崔

駙馬林亭

東園連宅起勝事與心期幽洞自生藥新篁迸入池密
林行不盡芳草坐難移石翠疑無質鶯歌似有詞莎臺

高出樹蘚壁淨題詩我獨多來賞

一作此

九衢人不知

題厲玄侍御所居

幽棲一畝宮清峭似山峯鄰里不通徑俸錢唯買松野
人時寄宿谷鳥自相逢朝路牀前是誰知曉起慵

題田將軍宅

焚香書院最風流莎草綠牆綠蘚秋近砌別穿澆藥井
臨街新起看山樓樓禽戀竹明猶在閒客觀花夜未休
好是暗移城裏宅清涼渾得似江頭

題崔駙馬宅

心在林泉身在城，鳳凰樓下得閒名。
洞中見鑿尋仙路，月裏猶燒煮藥鐺。
數樹異花皆敕賜，並竿修竹自天生。
詩人多說離君宅，不得青苔地上行。

題河上亭

亭亭河上亭，魚躑水禽鳴。
九曲何時盡，千峯今日清。
晨光更遠暑氣夏常輕，
杯裏移檣影，琴中有浪聲。
岸莎連砌靜，漁火入窗明。
來此多沈醉，神高無宿醒。

題長安薛員外水閣

亭亭新閣成風景益鮮明石盡太湖色水多湘渚聲翠
筠和粉長零露逐荷傾時倚高窗望幽尋小徑行林疎
看鳥語池近識魚情政暇招閒客唯將酒送迎

題梁國公主池亭

平陽池館枕秦川門鎖南山一帶烟素柰花開西子面
綠榆枝重沈郎錢裝簾玳瑁隨風落庭岸鷓鴣趁煖眠
寂寞空餘歌舞地玉簫驚起鳳歸天

寄題尉遲少卿郊居

卿仕在關東林居思不窮朝衣挂壁上廐馬放田中隅
坐唯禪子隨行只藥童砌莎留宿露庭竹出清風濃翠
生苔點辛香發桂叢蓮池伊水入石徑遠山通愚者心
還靜高人跡自同無能相近住終日羨鄰翁

題永城驛

秋賦春還計盡違自知身是拙求知惟思曠海無休日
却喜孤舟似去時連浦一程兼汴宋夾堤千柳雜唐隋

從來此恨皆前達敢負吾君作楚詞

御定全唐詩卷四百九十九

欽定四庫全書蒼要卷一萬七千九百五

集部

御定全唐詩卷五百

姚合

過張邯鄲莊

客行常似病煩熱
四肢到君讀書堂
忽若逢良醫堂
前水交流堂下樹
交枝兩門延風涼
洗我昏濁肌與子
還往熟坐臥恣所
宜時時相獻酬
文字當酒卮野飯
具藜藿永日亦不
飢苟食非其所
膾炙為疾藜時
清士人

閒耕作唯文詞豈獨鄉里薦當取四海知

過楊處士幽居

引水穿風竹幽聲勝遠溪裁衣延野客翦翅養山雞酒
熟聽琴酌詩成削樹題惟愁春氣暖松下雪和泥

過李處士山居

閒居晝掩扉門柳陰蔬畦因病方收藥尋僧始度溪少
逢人到戶時有燕銜泥蕭灑身無事名高孰與齊

過無可僧院

憶師眠復起永夜思迢迢月下門方掩林中寺更遙鐘聲空下界池色在清宵終擬修禪觀窗間卷欲燒

過稠上人院

清羸一飯師閒院亦披衣應詔常翻譯修心出是非雪中疎磬度林際晚風歸蔬食常來此人間護淨稀

過不疑上人院

九經通大義一作通經又議經內典自應精簾冷連松影苔深

減履聲相

一作幸

逢幸

一作當

此日相失

一作識

恐來生覺路

何門去師須引我行

過曇

一作雲

花寶上人院

九陌最幽寺吾師院復深
烟霜同覆屋松竹雜成林
鳥語境彌寂客來機自沈
早知能到此應不戴朝簪

過杜氏江亭

上國千餘里逢春且勝遊
暫聞新鳥戲似解旅人愁
野色吞山盡江烟襯水流
村醪須一醉無恨滯行舟

過張雲峯

一作舉

院宿

不喫胡麻飯杯中自得仙
隔離招好客掃室置芳筵
家醞香醪嫩時新異果鮮
夜深唯畏曉坐穩豈思眠
碁罷嫌無敵詩成貴在前
明朝題壁上誰得衆人傳

過欽上人院

有相無相身唯師說始真
修篁半庭影清磬幾僧鄰
古壁丹青落虛簷烏雀馴
伊余求了義羸馬往來頻

過無可上人院

寥寥聽不盡孤磬與疎鐘
煩惱師長別清涼我暫逢
蟻

行經古蘚鶴毳落深松自想歸時路塵埃復幾重

過城南僧院

寺對遠山起幽居仍是師斜陽通暗隙殘雪落疎籬松
靜鶴棲定廊虛鐘盡遲朝朝趨府吏來此是相宜

過靈泉寺

偶尋靈跡去幽徑入氤氛轉壑驚飛鳥穿山踏亂雲水
從巖下落溪向寺前分釋子遊何處空堂日漸曛

過天津橋晴望

閒立津橋上寒光動遠林
皇宮對嵩頂清洛貫城心
雪路初晴出人家向晚深
自從王在鎬天寶至如今

春日遊慈恩寺

年長歸何處青山未有家
賞春無酒飲多看寺中花

遊天台上方

一作遊天
長寺上方

曉上上方高處立
路人羨我此時身
白雲向我頭上過
我更羨他雲路人

遊終南山

策杖度溪橋，雲深步數勞。
青猿吟嶺際，白鶴坐松梢。
天外浮烟遠，山根野水交。
自緣名利繫，好此結蓬茆。

遊杏溪蘭若

踏得度

一作碧

溪灣晨遊暮不還，月明松影路春滿。
杏花

山戲狖跳林末，高僧住石間未肯離腰。

一作離腰下

組來此

復何顏

遊謝公亭

行行方避夢，又到謝亭來。
舉世皆如此，伊余何處迴。
竹

鮮多透石泉潔亦無苔坐與僧同語誰能顧酒杯

遊陽河岸

終日遊山困今朝始傍河尋芳愁路盡逢景畏人多鳥
語催沽酒魚來似聽歌醉時眠石上肢體自婆婆

遊河橋曉望

閒上津橋立天涯一望間秋風波上岸旭日氣連山偶
聖今方變朝宗豈復還崑崙在蕃界作將亦何顏

秋夜月中登天壇

秋蟾流異彩，齋潔上壇行。
天近星辰大，山深世界清。
仙飈石上起，海日夜中明。
何計長來此，閒眠過一生。

遊昊天玄都觀

一作裴考功厲察院
同遊昊天玄都觀

性同相見易，紫府共閒行。
陰徑紅桃落，秋壇白石生。
蘚文連竹色，鶴語應松聲。
風定藥香細，樹聲泉氣清。
垂簷靈草影，遶壁古山名。
園外坊無禁，歸時踏月明。

同裴起居厲侍御放朝遊曲江

暑月放朝頻，青槐路絕塵。
雨晴江色出，風動草香新。
獨

立分幽島同行得靜人此歡宜稍滯此去與誰親

曉望華清宮

曉看樓殿更鮮明遙隔朱欄見鹿行武帝自知身不死
教修玉殿號長生

夏日登樓晚望

避暑高樓上平蕪望不窮鳥穿山色去人歇樹陰中數

一作
帶長河水千條弱柳風暗思多少事懶話與芝翁

霽後登樓

高樓初霽後遠望思無窮
雨洗青山淨春蒸大野融
碧池舒煖景弱柳躡和風
為有登臨興獨吟落照中

早夏郡樓宴集

官散有閒情登樓步稍輕
窗雲帶雨氣林鳥雜人聲
曉日襟前度微風酒上生
城中會難得掃壁各書名

夜宴太僕田卿宅

故人九寺長邀我此同歡
永夜開筵靜中年飲酒難
微風侵燭影疊漏過林端
臘後分朝日天明幾刻殘

春日同會衛尉崔少卿宅

詩家會詩客池閣曉初晴
鳥盡山中語琴多譜外聲
映花相勸酒入洞各題名
疎野常如此誰人信在城

軍城夜會

軍城夜禁樂飲酒每題詩
坐穩吟難盡寒多醉較遲
遠鐘驚一作經漏壓微月被燈欺
此會誠堪惜天明是別離

晦日宴劉值錄事宅

花落鶯飛深院靜滿堂賓客盡
詩人城中杯酒家家有

唯是君家酒送春

宴光祿田卿宅

竹裏開華館，珍羞次第嘗。
春風酒影動，晴日樂聲長。
久坐難辭醉，衰年亦暫狂。
慙慙還繼燭，永夕夢相妨。

會將作崔監東園

牆北走紅塵，牆東接

一作飛

白雲。山光衣上見，藥氣酒中

聞。此會誠堪惜，窮秋日又曛。
人間唯有醉，醉後復何云。

同諸公會太府韓卿宅

九寺名卿才思雄
邀歡筆下與杯中
六街鼓絕塵埃息
四座筵開語笑同
啖啖蘭缸明狹室
丁丁玉漏發深宮
即聽雞唱天門曉

一作唯愁
是雞催曉

吏事相牽西復東

乞酒

聞君有美酒與我最相宜
溢甕清如水粘杯半似脂
豈唯消舊病且要引新詩
況此便便腹無非是滿卮

寄衛拾遺乞酒

老人罷卮酒不醉已經年
自飲君家酒一杯三日眠
味

輕花上露色似洞中泉莫厭時時寄須知法未傳

乞新茶

嫩綠微黃碧澗春採時聞道斷葷辛不將錢買將詩乞
借問山翁有幾人

西掖寓直春曉聞殘漏

直廬仙掖近春氣曙猶寒隱隱銀河在丁丁玉漏殘微
風飄更切萬籟雜應難鳳閣明初啟雞人唱漸闌靜宜
來禁裏清是下雲端我識朝天路從容自整冠

杭州郡齋南亭

符印懸腰下東山不得歸
獨行南北近漸老往還稀
迸筍侵窗長驚蟬出樹飛
田田池上葉長是使君衣

郡中西園

西園春欲盡芳草徑難分
靜語唯幽鳥閒眠獨使君
密林生雨氣古石帶潮苔
一作文雖去清秋遠朝朝見白雲

杭州官舍偶書

錢塘刺史漫題詩
貧褊無恩懦少威
春盡酒杯花影在

潮迴畫楹水聲微閒吟山際邀僧上暮入林中看鶴歸
無術理人人自理朝朝漸覺簿書稀

省直書事

默默滄江老官分右掖榮立朝班近殿奏直上知名曉
霧和香氣晴樓下樂聲蜀牋金屑膩月兔筆毫精禁樹
霏烟覆宮牆瑞草生露盤秋更出玉漏晝還清碧蘚無
塵染寒蟬似鳥鳴竹深雲自宿天近日先明孱懦難封
詔疎愚但擲觥素餐終日足寧免衆人輕

杭州官舍即事

臨江府署清閒臥

一作坐

復閒行苔蘚疎塵色
梧桐出雨

聲漸除

一作知

身外事暗作道家名
更喜仙山近
庭前藥

自生

假日書事呈院中司徒

十日公府靜巾櫛起
清晨寒蟬近
衰柳古木似
高人學佛寧
憂老為儒自
喜貧海山歸未得
芝朮夢中春

書縣丞舊廳

宮殿

一作樓閣

半山上人家向下居古廳眠易魘老吏語多

虛雨水澆荒竹溪沙擁廢渠聖朝收外府皆是九天除

縣中秋宿

鼓絕門方掩蕭條作吏心露垂庭際草螢照竹間禽碁

罷嫌無月眠遲聽盡

一作遠

碁還知未離此時復更相尋

夏夜宿江驛

竹屋臨江岸清宵興自長夜深傾北斗葉落映橫塘渚

開漁歌響風和角糞香却愁南去掉棹早晚到瀟湘

陝城卽事

左右分京闕黃河與宅連何功來此地竊位已經年天
下才彌小關中鎮最先隴山望可見惆悵是窮邊

御定全唐詩卷五百

欽定四庫全書薈要卷一萬七千九百六

集部

御定全唐詩卷五百一

姚合

和東都令狐留守相公

一作奉寄東都
畱守令狐相公

除官

一作書

東守洛陽宮恩比藩方任更雄拜表出時傳

七刻排班衙日有三公旌旗嚴重

一作動

臨關外庭宇

一作

寺府

清深接禁中三十六峯詩酒思朝朝閒望與誰同

和高諫議蒙兼賓客時入翰苑

兼秩恩歸第一流時尋仙路向瀛洲鐘聲迢遞銀河曉
林色蔥籠玉露秋紫殿講筵鄰御座青宮賓榻入龍樓
從來共結歸山侶今日多應獨自休

和盧給事酬裴員外

南山雪色徹皇州鐘鼓聲交曉氣浮鴛鴦簪裾上龍尾
蓬萊宮殿壓鰲頭夕郎夜直吟仙掖天樂和聲下禁樓
贈荅詩成才思敵病夫欲和一作破幾朝愁

和裴結端公早朝

一作和郭端公早朝

魚鑰千門啟雞人唱曉傳冕旒臨玉殿丞相入爐烟列
位同居左分行忝在前
給事中與侍御史班同行在東
給事中立在臺官前故有此句
仰聞天語近俯拜珮聲連綵仗祥光動彤庭霽色鮮威
儀誰可紀柱史有新篇

和門下李相餞西蜀相公

聖朝同舜日作相有夔龍理化知無外烝黎盡可封燮
和皆達識出入並登庸武騎增餘勇儒冠貴所從贈詩
全六義出鎮越千峯連日陳天樂芳筵疊酒鍾烏臺情

已洽鳳閣分彌濃

元和十四年崔相公與門下相公連御史臺今又在中書矣

棧轉

旌搖水崖高馬蹋松恩深施遠俗化美見前蹤

太和四年門下

相公出鎮至今西蜀理
化清淨民俗歌謠不絕

江曉流巴字山晴聳劍峯雙油

擁上宰四海羨臨邛先路聲華遠離京詔旨重歲除今

向盡春色即相逢嫩葉抽頰藥新苔長翠茸冰銷魚漱

澗林暖鳥囀囀泉落聞難盡花開看不供青城方眷戀

黃閣竟從容計日歸台席還聽長樂鐘

和座主相公西亭秋日即事

西亭秋望好寧要更垂簾夫子牆還峻鄴侯宅過謙微
風紅葉下新雨綠苔黏窗外松初長欄中藥旋添海圖
裝玉軸書日記牙籤竹色晴連地山光遠入簷酒濃杯
稍重詩冷語多尖屬和才雖淺題高免客嫌

和祕書崔少監春日遊青龍寺僧院

官清書府足閒時曉起攀花折柳枝九陌城中尋不盡
千峯寺裏看相宜高人酒味多和藥自古風光只屬詩
見說往來多靜者未知前日更逢誰

和李紳助教不赴看花

笑辭聘禮深坊住門館長閒似退

野一作

居太學官資清

品秩高人公事說經書年華未是登朝晚
春色何因向酒疎且看牡丹吟麗句不知此外復何如

和李十二舍人冬至日

獻壽人皆慶南山復北堂從今千萬日此日又初長

和裴令公新成綠野堂即事

結構立嘉名軒窗四面明丘牆高莫比蕭宅僻還清池

際龜潛戲庭前藥旋生樹深簷稍邃石峭徑難平道曠
襟情遠神閒視聽精古今功獨出大小隱俱成曙雨新
苔色秋風長桂聲攜詩就竹寫取酒對花傾古寺招僧
飯方塘看鶴行人間無此貴半仗暮歸城

和厲玄侍御題戶部李相公廬山西林草堂

茅屋臨江起登庸復應期遙知歸去日自致太平時幽
藥禪僧護高窗宿鳥窺行人盡歌詠唯子獨能詩

和鄭相演揚尚書蜀中唱和詩

天福坤維厚忠賢擁節旄江同渭濱遠山似傅巖高元
氣符才格文星照筆毫五言全麗則六義出風騷聖日
麻雙下洪爐柄共操寵榮連雨露先後比蕭曹唱絕時
難和吟多客詎勞四方雖紙貴誰怕費錢刀

和戶部侍郎省中晚歸

寒日南宮晚閒吟半醉歸位高行路靜詩好和人稀古
樹苔文匝遙峯雪色微寧知逢彩筆寂寞有光輝

和元八郎中秋居

聖代無為化郎中似散仙
晚眠隨客醉夜坐學僧禪
酒用林花釀茶將野水煎
人生知此味獨恨少因緣

和李十二舍人裴四二舍人兩閣老酬白少傅

見寄

一作和李裴二舍人酬白少傅見寄

罷草王言星歲久嵩高山色日相親
蕭條雨夜吟連曉
撩亂花時看盡春
此世逍遙應獨得
古來間散有誰鄰
林中長老呼居士
天下書生仰達人
酒挈數瓶杯亦濶
詩成千首語皆新
綸闈竝命誠宜賀
不念衰年寄上頻

和劉禹錫主客冬初拜表懷上都故人

九陌喧喧騎吏催，百官拜表禁城開。
林疎曉日明紅葉，塵靜寒霜覆綠苔。
玉佩聲微班始定，金函光動按初來。
此時共想朝天客，謝食方從歌裏迴。

和太僕田卿酬殷堯藩侍御見寄

往還知分熟，酬贈思同新。
嗜飲殷偏逸，閒吟卿亦貧。
古苔寒更翠，修竹靜無鄰。
促席燈浮酒，聽鴻霜滿身。
淺才唯是我，高論更何人。
攜手宜相訪，窮行少路塵。

和膳部李郎中秋夕

浙浙復修修涼風似水流此生難免老舉世大同愁螢
影明苔蘚鴻聲傍斗牛猶分省署直何日是歸休

和前吏部韓侍郎夜泛南溪

辭得官來疾漸平世間難有此高情新秋月滿南溪裏
引客乘船處處行

和王

一作劉

郎中題華州李中丞廳

蓮華峰下郡齋前
遠砌穿池貯瀑泉
君到亦應閒不得

主人草聖復詩仙

和厲玄侍御無可上人會宿見寄

九衢難會宿况復是寒天
朝客清貧老林僧默悟禪
眠遲消漏水吟苦墮寒涎
異日來尋我滄江有釣船

和令狐六員外直夜即事寄上相公

霜臺同處軒窗接粉署
先登語笑疎皓月滿簾聽玉漏
紫泥盈手發天書吟詩清美

一作冷

招閒客對酒逍遙臥

直廬榮貴人間難有比相公
離此十年餘

答孟侍御早朝見寄

河傾月向西九陌鼓聲齊
塵靜霜華遠烟生曙色低
禁門人已度宮樹鳥猶棲
踈懶勞相問登山有舊梯

和友人新居園上

新居多野思不似在京城
牆上雲相壓庭前竹亂生
尋師望藥力依譜上琴聲
好是中秋夜無塵有月明

和裴令公遊南莊憶白二十章七二賓客

四郊初雨歇高樹滴猶殘
池滿紅蓮濕雲收綠野寬
花

開半山曉竹動數村寒鬪雀翻衣袂驚魚觸釣竿蹲前
多野客膝下盡郎官斲石通泉脈移松出藥欄東分
務重天下似公

一作
比功

難半醉思韋白題詩染彩翰

和李舍人秋日臥疾言懷

閒臥襟情遠西風菊漸芳虛窗通曉景珍簟卷秋光果
墜青莎徑塵離綠蘚牆藥奩開靜室書閣出叢篁對酒
吟難盡思山夢稍長王言生彩筆朝服惹爐香松影幽
連砌蟲聲冷到牀詩成誰敢和清思若懷霜

和李十二舍人直日放朝對雪

今朝街鼓何人聽
朝客開門對雪眠
豈比直廬丹禁裏
九重天近色彌鮮

荅李頻秀才

一年離九陌壁上挂朝袍
物外詩情遠人間酒味高
思歸知病長失寢覺神勞
衰老無多思因君把筆毫

荅胡遇

一會一分離貧遊少定期
酒多為客穩米貴入城遲
晴

日偷將睡秋山乞與詩縱然眉得展不似見君時

荅友人招遊

不來知盡怪失意懶春遊聞鳥寧驚夢看花怕引愁
賭棋招敵手沽酒自扶頭何似華筵上推辭候到籌

荅竇知言

冬日易慘惡暴風拔山根塵沙落黃河濁波如地翻
飛鳥皆束翼居人不開門獨我赴省期冒此馳轂轅
陝城城西邊逢子亦且奔所趨事一心相見如弟昆
我慘得

子舒我寒得子溫同行十日程僮僕性亦敦到京人事
多日無閒精魂念子珍重我吐辭發蒙昏反復千萬意
一百六十言格高思清冷山低濟渾水一作渾嘗聞朋友
惠贈言始為恩金玉日消費好句長存存倒篋別收貯
不與俗士論每當清夜吟使我如哀猿

酬田就

閒居多僻靜猶恐道相違只是夜深坐那堪春未歸嫩
苔粘野色香絮撲人衣縱有野僧到終朝不話非

酬禮部李員外見寄

本求仙郡是閒居豈向郎官更有書
溪石誰思玉匠愛烟鴻願與弋人疎
自來江上眠方穩舊在城中病悉除
唯見君詩難便捨寒宵吟到曉更初

酬令狐郎中見寄

昨是兒童今是翁人間日月急如風
常聞欲向滄江去除我無人與子同

酬李廓精舍南臺望月見寄

看月空門裏詩家境有餘
露寒僧梵出林靜鳥巢疎
遠色當秋半清光勝夜初
獨無臺上思寂寞守吾廬

酬光祿田卿末伏見寄

下伏秋期近還知扇漸疎
驚飈墜鄰果暴雨落江魚
貴寺雖同秩閒曹只管書
朝朝廊下食相庇在肴菹

酬薛奉禮見贈之作

栖栖滄海一耕人詔遣江邊作使君
山頂雨餘青到地
濤頭風起白連雲
詩成客見書牆和藥熟僧來就鼎分

珍重來章相借分芳名未識已曾聞

酬盧汀諫議

粟如流水帛如山依念倉邊

一作衣食還君

語笑間篇什縱橫

文案少親朋撩亂吏人間杯觴引滿從衣濕牆壁書多
任手頑遙賀來年二三月綵衣先輩過春闈

酬萬年張郎中見寄

貢籍常同府周行今一時諫曹誠已忝京邑豈相宜黑

一作白

髮年來盡滄江歸去遲何時

一作當

得攜手林下靜

吟詩

一本以後四句為絕句

酬光祿田卿六韻見寄

以病辭朝謁迂踈種藥翁心彌

一作惟

念魚鳥詔遣理兵

戎遶戶旌旗影吹人鼓角風雪晴嵩岳頂樹老陝城宮

莅職才微薄歸山路未通名卿詩句峭諛我在關東

酬楊汝士尚書喜人移居

未得滄江外衰殘讀藥書聖朝優上秩仁里許閒居樹
對枝相接泉同井不踈酬章深自鄙欲寄復躊躕

酬

一本有太僕二字

田卿書齋即事見寄

幽齋琴思靜
晚下紫宸朝
舊隱同溪遠
周行隔品遙
深槐蟬唧唧
疎竹雨蕭蕭
不是相尋懶
煩君舉酒瓢

酬張籍司業見寄

日日在
心中
青山青桂叢
高人多愛靜
歸路亦應同
罷吏方無病
因僧得解空
新詩勞見問
吟對一作向竹林風

謝汾州田大夫寄茸粘葡萄

筐封紫葡萄
筒卷白茸毛
臥暖身應健
含消一作清齒免

勞衾衣疎不稱梨栗比難高
曉起題詩報寒漸滿筆毫
牧杭州謝李太尉德裕
皇恩特許拜杭壇欲謝旌旄去就難
偷擬白頭瞻畫戟
四神俱散髮毛寒

杏園宴上謝座主

得陪桃李植芳叢別感生成太昊功
今日無言春雨後
似含冷涕謝東風

謝

一作
過

韜光上人

上方清淨無因住唯願他生得住持只恐無生復無我
不知何處更逢師

謝秦校書與無可上人見訪

道同無宿約三伏自從容窗豁山侵座扇搖風下松客
吟多遶竹僧飯只憑鐘向晚分歸路莓苔行跡重

喜胡遇至

窮居稀出入門戶滿塵埃病少閒人問貧唯密友來茅
齋從掃破藥酒遣生開多事經時別還愁不宿迴就林

燒嫩筍遶樹揀香梅相對題新什遲成舉罰杯

喜賈島至

布囊懸蹇驢千里到貧居飲酒誰堪伴留詩自與書愛
眠知不醉省語似相疎軍更衣裳窄還應暗笑余

喜喻鳧至

欲出心還懶閒吟遶寢牀道書蟲食盡酒律客偷將愁
至為多病貧來減得狂見君何所似如熱得清涼

喜雍陶秋夜訪宿

曉立侍爐烟夜歸蓬葦眠露華明菊上螢影滅燈前清
漏和礎疊棲禽與葉連高人來此宿為似在山顛

喜賈島雨中訪宿

雨裏難逢客閒吟不復眠蟲聲秋併起林色夜相連愛
酒此生裏趨朝未老前終須攜手去滄海棹魚船

喜馬戴冬夜見過期無可上人不至二首

客來初夜裏藥酒自開封老漸多歸思貧唯長病容苦
寒燈焰細近曉鼓一作漏聲重僧可還相捨深居閉古松

內殿臣相命開樽
話舊時夜鐘催鳥絕
積雪阻僧期
林靜寒聲遠
天陰曙色遲
今宵復何夕
鳴珮坐相隨

訪僧法通

一作法通師

不遇

訪師師不遇
禮佛佛無言
依舊將煩惱
黃昏入宅門

夜期友生

一作賈鳥

不至

忍寒停酒待君來
酒作凌澌火作灰
半夜出門重立望
月明先自下高臺

尋僧不遇

入門愁自散不假見僧翁
花落煎茶水松生醒酒風
拂
脉尋古畫拔刺看新叢
別有遊人見多疑住此中

過友人山莊

蕙帶纏腰復野蔬
一莊水竹數房書
舉頭忽見南山雪
便說休官相近居

奉和前司封蘇郎中喜嚴常侍蕭給事見訪
驚
斑鬢之什

遶鬢滄浪有幾莖
珥貂相問夕郎驚
祇應為酒微微變

不是因年漸漸生東觀詩成號良史中臺官罷揖高名
即提彩筆裁天詔誰得吟詩自在行

奉和門下相公雨中寄裴給事

曉起閒看雨垂簷自滴堦風清想林壑雲濕似江淮石
信浮漚重泥從積蘚埋氣消濃酒力心助獨吟懷颯颯
通琴韻蕭蕭靜竹齋綵毫無限思念與夕郎乖

答韓湘

疎散無世用為文乏天格把筆日不休忍忍有所得所

得良自慰不求他人識子獨訪我來致詩過相飾君子
無浮言此詩應亦直但慮憂我深鑒亦隨之惑子在名
場中屢戰還屢北我無數子明端坐空歎息昨聞過春
關一作闌名係吏部籍三十登高科前塗浩難測詩人多
峭冷如水在胸臆豈隨尋常人五臟為酒食期一作朝來
作酬章危坐吟到夕難為間其辭益貴我紙墨一作益

黑

奉和四松

一作和兵部鄭侍郎省中四松注云
松是中書相公任兵部侍郎日手裁

數年後鄭澣繼之因為詩獻相
公合與唐扶劉禹錫等同和

四松相對植蒼翠映中臺擢幹凌空去移根劖石開陰
陽氣潛煦造化手親栽日月滋佳色烟霄長異材清音
勝在澗寒影徧生苔靜逸霜霑履閒看酒滿杯同榮朱
戶際永日白雲隈密葉聞風度高枝見鶴來賞心難可
盡麗什妙難栽此地無因到循環

一作
牆

幾百回

御定全唐詩卷五百一

欽定四庫全書薈要卷一萬七千九百七

集部

御定全唐詩卷五百二

姚合

和李補闕曲江看蓮花

露荷迎曙發灼灼復田田乍見神應駭頻來眼尚顛光
凝珠有蒂焰起火無烟粉膩黃絲藥心重碧玉錢日浮
秋轉麗雨灑晚彌鮮醉艷酣千朶愁紅思一川綠莖扶
萼正翠葯滿房圓淡暈還殊衆繁英得自然高名猶不

厭上客去爭先景逸傾芳酒懷濃習綵牋海霞寧有態
蜀錦不成妍客至應消病僧來欲破禪曉多臨水立夜
只傍堤眠金似明沙渚燈疑宿浦船風驚叢乍密魚戲
影微偏穠彩燒晴霧殷姿纈碧泉畫工投粉筆宮女弃
花鈿烏戀驚難起蜂偷困不前遠行香爛熳折贈意纏
綿誰計江南曲風流合管弦

和王郎中召看牡丹

葩疊萼相重燒欄復照空妍姿朝景裏醉艷晚烟中乍

怪霞臨砌還疑燭出籠
遶行驚地赤移坐覺衣紅
殷麗開繁朶香濃發幾叢
裁綃樣豈似染茜色寧同
嫩畏人看損鮮愁日炙融
嬋娟涵宿露爛熳抵春風
縱賞襟情合閒吟景思通
客來歸盡懶鶯戀語無窮
萬物珍那比千金買不充
如今難更有縱有在仙宮

詠南池嘉蓮

芙蓉池裏葉田田一本雙花出碧泉濃淡共妍
一作並肩香

各散東西分艷蒂一作影相連
自知政術無他異縱是禎

卷五十二
祥亦偶然四野人聞皆盡喜爭來入郭看嘉蓮

種葦

欲種數莖葦出門來往頻近陂收本土選地問幽人靜
看唯思長初移未覺勻坐中尋竹客將去更逡巡

採松花

擬服松花無處學嵩陽道士忽相教今朝試上高枝採
不覺傾翻仙鶴巢

詠新菊

黃金色未足摘取且嘗新

一作新嘗

若待重陽日何曾異衆

人一作香

揚柳枝詞五首

黃金絲挂粉牆頭動似顛狂靜似愁
遊客見時心自醉
無因得見謝家樓

葉葉如眉翠色濃黃鶯偏戀語從容
橋邊陌上無人識
雨濕烟和思萬重

江上東西離別饒舊條折盡折新條
亦知春色人將去

猶勝狂風取次飄

二月楊花觸處飛悠悠漠漠自東西謝家詠雪徒相比
吹落庭前便作泥

江亭楊柳折還垂月照深黃幾樹絲見說隋堤枯已盡
年年行客怪春遲

郡中冬夜聞蛩

秋蛩聲尚在切切起蒼苔久是忘情者今還有事來微
霜風稍靜圓月霧初開此思誰能遣應須執酒杯

聞新蟬寄李餘

往年六月蟬應到，每到聞時骨一作心。欲驚今日槐花還

似發，却愁聽盡更無聲。

聞蟬寄賈島

秋來吟更苦，半咽半隨風。禪客心應一作聞心亂一作彌靜，愁一作

遊

人耳願

一作願耳

聾雨晴烟

一作高

樹裏日晚，古城遠思

應難盡，誰當與我同。

題鶴雛

羽毛生未齊

一作足

嶮峭醜於雞夜

一作每

夜穿籠出擣衣

礎上棲

詠鶯

春來深谷雪方消鶯別寒林傍翠條到處為憐烟景好
隔簾多愛語聲嬌不同蜀魄啼殘月唯逐天雞轉詰朝
少婦聽時思舊曲玉樓從此動雲韶

老馬

臥來扶不起唯向主人嘶惆悵東郊道秋來雨作泥

詠鏡

鑄為明鏡絕塵埃
翡翠窗前挂玉臺
繡帶共尋龍口出
菱花爭向匣中開
孤光常見鸞蹤在
分處還因鵲影迴
好是照身宜謝女
嫦娥飛向玉宮來

詠破屏風

一作章
孝標詩

時人嫌古畫倚壁
不曾收露滴膠山
斷風吹絹海秋殘
雲飛屋裏片水落
牀頭尚勝凡花鳥
君能補綴不

古碑

荒田一片石文字滿青苔不是逢閒客何人肯讀來

拾得古硯

僻性愛古物終歲求不獲昨朝得古硯黃河灘之側念
此黃河中應有昔人宅宅亦作流水斯硯未變易波瀾
所激觸背面生罅隙質狀朴且醜令人作不得捧持且
驚歎不敢施筆墨或恐先聖人嘗用修六籍置之潔淨
室一日三磨拭大喜豪貴嫌久長得保惜

裴大夫見過

湖南譙國盡英髦心事相期節義高解下佩刀無所惜
新聞天子付三刀

謝韜光上人贈百齡藤杖

衰病近來行少力光公乞我百齡藤閒來杖此向何處
過水緣山只訪僧

詠貴遊

貴遊多愛向深春到處香凝數里塵紅杏花開連錦障
綠揚陰合拂朱輪鳳凰尊畔飛金盞絲竹聲中醉玉人

日暮垂鞭共歸去西園賓客附龍鱗

窮邊詞二首

將軍作鎮古汧州水隴山春節氣柔清夜滿城絲管散
行人不信是邊頭

箭利弓調四鎮兵蕃人不敢近東行沿邊千里渾無事
唯見平安火入城

劔器詞三首

聖朝能用將破敵速如神掉

一作插

劔龍纏臂開旗火滿

身積屍川沒

一作有

岸流血野無塵今日當場舞應

一作須

知是戰人

晝

一作夜

渡黃河水將軍險用師雪光

一作聲

偏著甲風力

不禁旗陣變龍蛇活軍雄鼓角知今朝重起舞記得戰

酣時

破虜行千里三軍意氣麤展旗遮日黑驅馬飲

一作踏

河

枯鄰境求兵畧皇恩索陣圖元和太平樂自古恐應無

從軍樂

一作詩

二首

每日尋兵籍經年別酒徒眼疼長不校肺病且還無
僕驚衣窄親情覺語麤幾時得歸去依舊作山夫

朝朝十指痛唯署點兵符貧賤依前在顛狂一半無
身慙山友棄膽賴酒杯扶誰道從軍樂年來鑷白鬚

敬宗皇帝挽詞三首

從諫停東幸垂衣寶歷昌漢昭登位少周代卜年長
綵仗三清路麻衣萬國喪玄宮今一閉終古栢蒼蒼

晚色啟重扉旌旗路漸移荆山鼎成日湘浦竹斑時
臣

子終身感山園七月期金莖看尚在承露復何為
紫陌起仙飈川原共寂寥靈輜萬國護儀殿百神朝漏
滴秋風路笳吟灞水橋微臣空感咽踊絕覺天遙

文宗皇帝挽詞三首

垂拱開成化悃悃雅樂全千官方就日四海忽無天堯
舜非傳子殷周但卜年聖功青史外刊石在陵前
代以無為理車書萬國同繼兄還付弟授聖悉推公雲
霧疑無日笳簫別起風金莖難復見寒露落空中

龍歸攀不得，髯在侍臣邊。
徹奠新阡起，登山吉從全。
關河佳氣散，夷夏哭聲連。
寂寞玄宮閉，朝昏千萬年。

莊恪太子挽詞二首

曉漏啟嚴城，宮臣縞素行。
靈儀

一作輓

先鹵簿，新謚在銘

旌。雲晦郊原色，風連霰雪聲。
淒涼望苑路，春草即應生。
寒日青宮閉，玄堂渭水濱。
華夷賤乍絕，凶吉禮空新。
旌露歌連哭，泉扉夜作晨。
吹笙今一去，千古在逡巡。

哭費拾遺徵君

服儒師道旨糲食臥中林誰識先生事無身是本心空
山流水遠故國白雲深日夕誰來哭唯應猿鳥吟

哭硯山孫道士

修短皆由命暗懷師出塵豈知修道者難免不亡身永
祕黃庭訣高懸漉酒巾可憐白犬子閒吠遠行人

哭賈島二首

白日西邊沒滄波東去流名雖千古在身已一生休豈
料文章遠那知瑞草秋曾聞有書劍應是別人收

杳杳黃泉下嗟君向此行有名傳後世無子過今生
新墓松三尺空堦月二更從今舊詩卷人覓寫應爭

楊給事師臯哭亡愛

一本無愛字

姬英英竊聞詩人

多賦因而繼和

真珠為土玉為塵未識遙聞鼻亦辛天上還應收至寶
世間難得是佳人朱絲自斷虛銀燭紅粉潛銷冷繡裯
見說忘情唯有酒夕陽對酒更傷神

喜覽涇州盧侍御詩卷

新詩十九首麗

一作高

格出青冥得處神應駭成時力盡

停正愁聞更喜沈醉見還醒自是天才健非關筆硯靈

喜覽裴中丞詩卷

一作寄裴使君

新詩盈道路清韻似敲金調格江山峻功夫日月深蜀
牋方入寫越客始消吟後輩難知處朝朝枉用心

心懷霜

欲識為詩苦秋霜若在心神清方耿耿氣肅覺沈沈皓
素中方委嚴凝得更深依稀輕夕渚髣髴在寒林思勁

淒孤韻聲酸激冷吟還如飲冰士勵節望知音

聽僧雲端講經

無生深旨誠難解唯是師言得正真遠近持齋來諦聽
酒坊魚市盡無人

臘日獵

健夫結束執旌旗曉度長江自合圍野外狐狸搜得盡
天邊鴻雁射來稀蒼鷹落日飢唯急白馬平川走似飛
蜡節畋遊非為已莫驚刺史夜深歸

聞魏州破賊

生靈蘇息到元和上將功成自執戈
烟霧掃開尊北岳

蛟龍斬斷淨南

一作黃

河旗迴海眼軍容壯兵合天心殺

氣多從此四方無一事朝朝雨露是恩波

下第

枉為鄉里舉射鵠藝渾疎歸路羞人問
春城賃舍居閉門辭雜客開篋讀生書
以此投一作求知已還因勝自餘

得舍弟書

親戚多離散三年獨在城貧居深穩臥晚學愛閒名小
弟有書至異鄉無地行悲歡相併起何處說心情

病僧

三年病不出苔蘚滿藤鞋倚壁看經坐聞鐘吃藥齋茶
烟熏殺竹簷雨滴穿堦無暇頻相訪秋風

一作

寂寞懷

成名後留別從兄

一辭山舍廢躬耕無事悠悠住帝城為客衣裳多不穩
和人詩句固難精幾年秋賦唯知病昨日春闈偶有名

却出關東悲復喜歸尋弟妹別仁兄

佛舍見胡子有嘲

一作嘲胡子小男胡

明明復夜夜胡子即

一作忍

成翁唯是真知

一作如

性不來

生滅中

白鼻騮

為底胡姬酒長來白鼻騮摘蓮拋水上郎意在浮花

崔少卿鶴

入門石徑半高低閑處無非是藥畦致得仙禽無去意

花間舞罷洞中棲

新昌里

舊客常樂坊井泉濁而鹹新屋

一作居

新昌里井泉清而

甘僮僕慣苦飲食美翻增嫌朝朝忍飢行戚戚如難堪
中下無正性所習便淫耽一染不可變甚於茵與藍近
貧日益廉近富日益貪以此當自警慎勿信邪讒

塞下曲

磧露黃雲下凝寒鼓不鳴

一作磧路三千
里黃雲覆草平

戰須移死地

軍諱殺降兵印

一作印

馬秋遮虜蒸沙夜築城舊

一作故

鄉

歸不

一作未

得都尉負功名

從軍行

濫得進士名才用苦不長性癖藝亦獨十年作詩章六
義雖初成名字猶未揚將軍俯招引遣脫儒衣裳常恐
虛受恩不慣一作能把刀鎗又無遠籌畧坐使虜滅亡昨
來發兵師各各赴戰場顧我同老弱不得隨戎行丈夫生
世間職分貴所當從軍不出門豈異病在牀誰不戀其

家其家無風霜鷹鵲念搏擊豈貴食滿腸

杏園

江頭數頃杏花開車馬爭先盡此來欲待無人連夜看
黃昏樹樹滿塵埃

閒居

日日門長閉鄰家亦懶過頭風春飲苦眼暈夜書多幽
鳥偏惜竹凡人笑種莎近來難得酒無計奈愁何

句

天遙來鴈小江濶去帆孤

見畫苑郭熙
取作畫意

南陌遊人回

首去東林道者杖藜歸

咏道旁
亭子


菊藤洞庭頭引葉漾

盈搖皎潔鉤高掛玲瓏影落寮陰烟壓幽屋濛密夢冥

苗清秋青且翠冬到凍都凋

蒲菊
架

御定全唐詩卷五百二



總校官庶吉士 臣張能照

校對官檢討 臣蕭九成

謄錄舉人 臣江長瑄

欽定四庫全書薈要

集部

御定全唐詩卷五百

三五

詳校官原任主事臣李斯咏

欽定四庫全書蒼要卷一萬七千九百八

集部

御定全唐詩卷五百三

周賀

周賀字南卿東洛人初為浮屠名清塞杭州太守姚合
其詩加以冠巾改名賀詩一卷

留辭杭州姚合郎中

波濤千里隔抱疾亦相尋會宿逢高士

一作燒

辭歸

一作燒山

值積霖

一作雨淋

叢桑山店迴孤燭

一作火

海船

一作雲

深尚有

重來約

一作計

知無省閣心

酬吳之問見贈

一作酬吳處士
一作寄朱慶餘

已當鳴

一作聽

鴈夜多事不

一作少

同居故疾離城晚秋霖

見

一作林九

月疎趁風

一作聽鐘

開靜戶帶葉卷殘

一作開

書盪漿

期南去荒園久廢鋤

送分定

一作送僧

歸靈夏

南遊多老病

一作夏疾

見說講經稀塞寺幾僧在關

一作邊

城

空自歸帶河衰草斷

一作盡

映日

一作月

早沙飛却到禪齋

後邊軍識衲衣

與崔弇話別

歸思緣平澤幽

一作書

齋夜話遲人尋馮翊去草向建康

衰雨雪生中路干戈阻後期幾年方見面應是鑷蒼髭

題何氏池亭

信是虛閒地亭高亦有苔繞池逢石坐穿竹引

一作到

山

回果落纖萍散龜行細草開主人偏好事終不厭頻來

送表

一作從

兄東南遊

山水疊層層吾兄涉又

一作復

登挂帆春背鴈尋磬夜逢

僧雪溜懸衡嶽

一作岩色

江雲蓋秣陵評文永

一作來

不忘

一作

妾此說是中興

送康紹

一作沼

歸建業

南朝秋色滿君

一作歸

去意

一作思

如何帝業空城在民田

一作畊

壞塚多月圓

一作明

臺獨上粟綻寺頻過籬下西江

闊

一作水

相思見白波

再過王輅原居納涼

夏天多憶此早晚得秋分舊月來還見新蟬坐忽聞扇
風調病葉溝水隔殘雲別有微涼處從容不似君

送耿山人歸湖南

一作送耿
逸人南歸

南行隨越

一作
老

僧別

一作
舊

業幾

一作
一

池菱兩鬢已垂白

一作
如雪

五湖歸挂罾夜濤鳴柵鏤寒葦露船燈去此應

一作

已此去

無事却來知不

一作
期未能

送省已上人歸太原

惜別聽邊漏窗燈落燼重寒僧迴絕塞夕雪下窮冬出

定一作馬聞殘角休兵見壞鋒何年更來此老却倚堦松

宿甄山南溪畫公院一作宿杼山畫公禪堂

從作兩一作西河客一作從來別離經半年却來峰頂宿

知廢甄一作井南禪餘霧一作積靄沈斜月孤燈照落泉何當

一作時閒事盡相伴老溪邊

相次尋舉客寄住人一作再經三叟居

停橈因舊識白髮向一作問波濤以我往來倦知君耕稼

勞渚田臨舍盡坂路出簷高遊者一作愛此還南去終期伴

會一作
爾曹

出關寄賈島

一作
送客

舊鄉無子孫誰共老青門迢遞早秋路別離深夜村伊

流偕行

一作
背遠

客岳響答啼

一作
清

猿去後期招隱何當復

此言

暮冬長安旅舍

湖外誰相識思歸日日頻遍尋新住客少見故鄉人失

計空知命勞生耻為身惟

一作
關

看洞庭樹即是舊山春

贈胡僧

瘦形

一作影

無血色草屨著行

一作從

穿閒話

一作語

似持咒

不眠同坐禪背經來漢地袒膊過冬天情性人難會遊
方應信緣

贈李主簿

稅時兼主印每日得閑稀對酒妨料吏為官亦典衣案
遲吟坐待宅近步行歸見說論詩

一作偏論

道應愁判

一作斷

是非

同朱慶餘宿翊西上人房

溪僧還共謁相與坐寒

一作中

天屋雪凌高燭山茶稱遠

泉夜清

一作深

更徹寺空閣鴈衝煙莫怪

一作惜

多時話重

來又隔年

寄姚合郎中

轉刺名

一作海移

山郡連年別省曹分題得客少著價買書

高晚

一作暮

柳蟬和角寒城燭照濤鄱溪

一作陽

卧疾久

一作

者未獲後

一作暇從

乘騷

一作艘

休糧

一作絕粒僧

一齋難過日况是更

一作復

休糧養力時行道聞鐘不上

堂唯留温

一作煨

藥火未

一作豈

寫化金

一作銀

方舊有山厨

在從僧請作房

懷西峰隱者

灌

一作萬

木藏岑

一作峰

色天寒望即愁高齋

一作源

何日去

遠瀑入城流臘近溪

一作音

書絕燈殘夜雪

一作雲霞

稠邇來

一作還當相憶處枕上苦吟休

贈栢一作巖禪師

野寺絕依念靈山會

一作曾

遍行老來披衲重病後

一作起

讀經生乞食嫌村遠尋溪愛路平多年栢

一作百

巖住不

記栢

一作百

巖名

旅懷

不覺月又盡未歸還到春雪通廬岳夢樹匝草堂身澤
鴈和寒露江槎帶遠新何年自此去舊國復為一作是隣

緱氏韋

一作山李

明府廳

貴邑清

一作秋

風滿誰同上宰心杉松出郭外雨

一作雷

電

下嵩陰度鴈方離

一作當

壘來僧始別岑西池月纔

一作色

迴

一作孤月色

會接一宵吟

送朱慶餘

一作廣陵道逢方干

野客行無定全家在浦

一作渭

東寄眠

一作懷

僧閣靜

一作迴

贈別橐金空舊里千山隔歸舟百計同藥資如有分相

約老吳

一作丘

中

宿開元寺樓

西峰殘日落誰見寂寥心孤枕客眠久兩廊僧話

一作語

深寒扉闕

一作開

雨氣風葉隱鐘音此愛

一作愛此

東樓望仍

期別夜尋

送僧還南岳

辭僧下水柵

一作柵

因夢

一作聽

嶽鐘聲遠路

一作客

獨歸寺

幾時重到城風高寒

一作木

葉落雨絕夜堂清自說深

一作

溪居後隣州亦不行

秋思

一本題上有巴陵二字

楊柳

一作州

已秋思

一作寒色

楚田仍

一作方

刈禾歸心病起切

敗葉夜來多細雨城蟬

一作鷓鴣

噪殘

一作夕

陽嶠客過舊山

一作故鄉

一作古都餘業在杳隔洞庭波

旅情

黃葉下堦頻徐徐起病身殘秋螢出盡獨夜鴈來新別業去千里舊鄉空四隣孤舟尋幾度又識岳陽人

送靈應禪師

一作送禪師

寒天仍遠去離寺雪霏霏古跡曾重到

一作見

生涯不暫

歸坐禪山

一作出

店暝

一作迴

補衲夜燈

一作煙

微巡禮何時

住相逢的是稀

送陸判官防秋

一作送防秋人

足馬無窮地三年逐大軍
算程淮色遠起帳夕陽曛
瀑

浪

一作水

行時漱邊笳語次聞
要傳書札去應到磧東

一作

西雲

山居

一作舍

秋思

一從雲水住曾不下西岑
落木孤猿在秋庭積霧

一作葉

深

一作故水故園
在秋庭秋草深

泉流通井脉蟲響出牆陰夜靜溪

一作

更聲徹寒燈尚獨

一作吟

贈皎然上人

一本無
皎字

竹庭

一作
徑

瓶水新深稱北窗人講罷見黃葉詩成尋舊

隣錫陰迷

一作
連

坐石池影露齋身苦作南行

一作
遊約勞

生始問津

春日山居寄友人

一本無山
居二字

春居無俗喧時立澗前村路遠少來客山深多過猿帶

倚一作

巖松色老臨水杏花繁除憶文流外何人更可言

留別南徐故人

三年蒙見待此夕是前程未斷却來約且伸臨去情潮
迴灘鳥下月上客船明他日南徐道緣君又重行

送僧歸江南

洗足北林去遠途今已分麻衣行嶽色竹杖帶湘雲飢
鼠緣危壁寒狸出壞墳前峰一聲磬此夕不同聞

早春越中留故人

一作早春
別盧玄休

此行經歲近

一作久

唯約半年迴野渡人初過前山雲

一作

雪

未開鴈羣逢曉斷林

一作秋

色映川

一作春

來清

一作是

夜

蘆中客

一作花宿

嚴家舊

一作有

釣臺

送友人

彈琴多去情浮檝背潮行人望豐壩宿蟲依蠹木鳴櫓

煙離

一作連

浦色蘆雨入船聲如疾登雲路憑君寄此生

春日重到王依村居

野煙居舍在曾約此重過久雨初招客新田未種禾夜

蟲鳴井浪春鳥宿庭柯莫為兒孫役餘生能幾何

入靜隱寺途中作

亂雲迷

一作遙

遠寺入路認青松鳥道

一作翅

緣巢影僧鞋

印雪蹤草煙連野燒溪霧隔霜鐘更遇

一作問

樵人問

一作

院

猶言過數

一作幾峰

送楊嶽歸巴陵

何處得鄉信告行當雨天人離京口日潮送入

一作

岳陽

船孤鳥背林色遠帆開浦煙悲君唯此別不肯話迴年

贈朱慶餘校書

風泉盡

一作夜

結冰寒夢徹西陵越信楚城得遠懷中夜

興樹停沙島鶴茶會石橋僧寺閣連官舍行吟過

一作到

幾層

逢播公

帶病

一作疾

希相見西城早晚來衲衣

一作山房

風壞帛

一作衲

香印雨霑灰坐久鐘聲盡

一作靜

談餘嶽影迴却思同宿

夜高枕說

一作話

天台

尋北岡韓處士

相過值早涼松帚掃山牀

一作房

坐石泉痕黑登城鮮色

黃逆風沈寺磬初日曬

一作耀

隣桑幾處逢僧說期來宿

北岡

哭閒霄上人

林逕西風急松枝講鈔餘凍髭亡夜剃遺偈病時書地
燥焚身後堂空著影初弔來頻落淚曾憶到吾廬

城中秋作

已落關東葉空懸浙右心寒燈隨故病伏雨接秋霖客
話曾誰和蟲聲少我吟蕙葭半波水夜夜宿邊禽

玉芝觀王道士

一作章道士房

四面杉蘿

一作松杉

合空堂畫老仙蠹根停雪水曲角積茶

煙道至心機盡宵晴瑟

一作清琴

韻全暫來還

一作獨嫵來

又去

未

一作不

得坐經年

出關後寄賈島

故國知何處西風已度關歸人值落葉遠路入寒山多

難喜相識久貧寧自閒
唯將往來信遙慰別離顏

題畫公院

一作四明蘭
若贈寂禪師

叢木開風徑過從
白晝寒舍深原草合
茶疾竹薪

一作
枝

乾夕雨生眠興禪心少
話端頻來覺無事
盡日坐相看

京口贈別

一作

崔固

積雨晴時近西風
葉滿泉相逢嵩嶽客
共聽楚城蟬宿
館橫秋島歸帆漲
遠田別多一作
君還寂寞不似剡中年

書實上人房

一作送晏上人
一作寄林禪師

絕頂言無伴

一作無僧侶

長懷剝

一作落

髮師禪中燈落燼講

次栢生枝

一作齋歸門掩雪講徹樹生枝

沙井泉澄疾秋鐘韻盡遲里

問

一作中

還受請

一作講

空有向南期

一作將行誰請住又爽禁城期

送張諶之睦州

遙憶新安舊扁舟往復還淺深看水石來往逐雲山到
縣餘花在過門五柳閒東征隨子去俱隱薜蘿間

贈王道士

藥力資蒼鬢應非舊日身一為嵩嶽客幾葬洛陽人石

水一作

縫瓢探水雲根斧斫

一作斫

薪闕西來往路

一作熟

誰

得水銀銀

冬日山居思鄉

大野始嚴凝雲天曉色澄
樹寒稀宿鳥山迴少來僧背
日收窗雪開爐釋硯冰
忽然歸故國孤想寓西陵

如空上人移居大雲寺

竹溪人請住何日向中峰
瓦舍山情

一作晴

少齋身疾

一作

心病

色濃夏

一作臘

高移坐次菊淺露行蹤
來往

一作嘗記

湓城

下三年兩度逢

送

一作贈

幻羣法師

一本無羣字

北京一

一作從

別後吳楚

一作南越

幾聽砧住久白髮

一作髭

出

講長枯

一作黃

葉深香連隣舍像磬徹遠巢禽寂默

一作冥

應關道

一作難問

何人見

一作識

此心

春喜友人至山舍

鳥鳴春日曉喜見竹門開路自高巖出

一作入

人騎大

一作

瘦

馬來折花林影斷

一作動

移石洞陰

一作澗聲

迴更欲留深

語重城暮色催

春日重至南徐舊居

綠水陰空院春深喜再來
獨眠從草長留酒看花開
過雨遠山出向風孤鳥迴
忽思秋夕事雲物却悠哉

一作幽

早秋過郭涯書堂

一作郭勁書齋

暑消岡舍清閒語

一作坐

有餘情澗

一作石一作谷

水生茶味松

風滅扇聲遠分臨

一作雲收

海雨靜覺

一作角

揜山城此地秋

吟苦時來遶菊行

長安送人

一作送鄉人

上國

一作京

多離別年年渭水濱空將未歸意說向欲

一作

欲說

行人鴈

一作雨

度池塘月

一作草

山連井邑春臨歧惜

分手日暮一霑巾

寄寧海李明府

山縣風光異

一作美

公門水石清一官居外府幾載別

一作

日東京故疾梅天發新詩雪夜成家貧思

一作希

減選時

靜憶歸耕把疏尋

一作抱跡窮

書義澄心得獄情夢靈邀客

解劔

一作鏡

古揀人

一作瓦僧

呈守月通宵坐尋花迴路

一作旁徑

行從來愛知

一作知愛

道何慮白髭生

投江州張郎中

要地無閒日仍容冒謁頻借

一作買

山年涉閨寢郡月逾

旬驛徑曾衝雪方泉省滌塵隨行溪路細接話草堂新

減藥痊餘

一作全除

癖飛書苦問貧噪蟬離宿殼吟客

一作石

寄秋身鍊句貽

一作盈

箱篋懸圖見蜀岷

一作閩

使君匡嶽

近終作社中人

晚題江館

一作晚秋江館
書事寄姚郎中

病寄曲江

一作西州

居帶城傍門孤

一作高

柳一蟬鳴澄波

一作

江

月上見魚擲晚

一作荒

徑葉多

一作乾

聞犬行越島

一作嶠

夜無侵閣色

一作影

寺鐘涼有隔原聲故園盡賣

一作賣盡

休

官

一作歸

去潮

一作湖

水秋來

一作光

空自平

秋晚歸廬山留別道友

病起陵陽思翠微秋風動後著行衣月生石齒人同見

霜落木梢愁獨歸已許衲僧修靜社便將樵叟對閒扉

不嫌舊隱相隨去廬岳臨天好息機

同徐處士秋懷少室舊居

一作秋日同朱慶餘懷少室舊隱

曾居少室黃河畔

一作上

秋夢長懸未得回扶病半

一作十

年離水石思歸一夜隔風雷荒齋幾遇僧

一作度曾

眠後晚

菊頻經鹿踏

一作塵路

來燈下此心誰共說傍松幽

一作孤

徑

已多栽

一作幾生苔

贈神邁上人

草履蒲團山意存坐看庭木長桐孫行齋罷講仍香氣

布褐離牀帶雨痕
夏滿尋醫還出寺
晴來曬疏暫開門
道情淡薄閒愁盡
霜色何因入鬢根

贈道人

一作贈李道士

布褐高眠石竇春
迸泉多濺黑紗巾
搖一作昂頭說易當

朝一作閒

客落手圍碁對俗人
自筭天年窮甲子
誰同雨

夜守庚申擬歸太華
何時去他日相尋一作逢
乞藥銀

贈厲玄侍御

山松徑與瀑泉通
巾舄行吟想越中
塞鴈去經華頂末

一作表永鄉僧來自海濤東關分河漢秋鐘絕露滴猶猴夜

嶽空抱疾因尋周柱史杜陵寒葉落無窮

送韓評事

一作韓評事別業

門枕平

一作重

湖秋景好水煙松色遠相依罷官餘俸租

田種送客回舟

一作船

載石歸離岸遊魚逢浪返

一作退

望

巢寒

一作高

鳥逆風飛嵩陽舊隱

一作業

多時別閉自閒

一作

行間月

吟憶入

一作

翠微

宿隱靜寺上人

一宿五峰杯度寺虛廊中夜磬聲分疎林未

一作才

落上

方月深

一作幽

澗忽生平地雲幽

一作高

鳥背泉棲靜境遠

人當燭想遺文暫來此地歇勞足望斷故山

一作園

滄海

漬

寄新頭陀

見說北京尋祖後瓶盃自挈遶窮邊相逢竹塢晦暝夜
一別茗溪多少年遠洞省穿湖底過斷崖曾向壁中禪

青城不得師同住

一作往

坐想滄江憶浩然

湘漢旅懷翁傑

一作傑公

一宿空江聽急

一作水

流仍同賈客坐歸

一作孤

舟遠書來

隔巴陵雨衰鬢去經彭蠡秋不擬為身謀舊業終期

一作

求斷穀隱高

一作嵩

丘吾宗尚作無慘

一作為

者中夜間

一作

廢吟生旅愁

寄韓司兵

一作泗上逢韓司徒歸北

多病十年無舊識滄州亂

一作戰

後只

一作始

逢君已知罷

秩辭瀧水相勸移家近

一作住

岳雲泗上旅帆

一作郵

侵壘

浪雪中歸路踏荒墳若

一作更

為此別終期

一作愁應

老書札

何因寄

一作由到

北軍

寺居

一作夏日

寄楊侍御

雨過北

一作碧

林空晚涼

一作景

院閒人去掩斜陽十年多

一作苦

病度落

一作寒

葉萬里亂愁生夜牀終欲返耕甘性

拙久

一作多

慚他事與身忙還

一作遙

知謝客名先重肯為

詩篇問楚狂

上陝府姚中丞

此心長愛狎禽魚，仍候登封獨著書。
領郡只嫌生藥少，在官長恨與山疎。
成家盡是經綸後，得句應多諫諍餘。
見說養真求退靜，溪南泉石許同居。

贈僧

藩府十年為律業，南朝本寺往來新。
辭歸幾別深山客，赴請多從遠處人。
松吹入堂資講力，野蔬供飯爽禪身。
他年更息登壇計，應與雲泉作四鄰。

送石協律歸吳

僧窗夢後憶歸耕
水涉應多半月程
幕府罷來無藥價
紗巾帶去有山情
夜隨淨渚離蛩語
早過寒潮背井行
已讓辟書稱抱疾
滄洲便許白髭生

寄金陵僧

水石致身閒自得
平雲竹閣少炎蒸
齋牀幾減供禽食
禪徑寒通照像燈
覓白當秋山落葉
臨書近臘硯生冰
行登總到諸山寺
坐聽蟬聲滿四稜

送忍禪師歸廬嶽

一作送廬嶽僧
一作朱慶餘詩

浪匝湓城岳壁青白頭僧去掃

一作掩

禪扃龕燈度雪補

殘衲山日上軒看舊經泉水帶冰寒
溜澁薜蘿新雨曙
煙腥已知身事非吾道甘卧荒齋竹滿庭

贈姚合郎中

望重來為守土臣清高還似武功貧
道從會解唯求靜
詩造玄微不趁新玉帛已知難撓思
雲泉終是得閒身
兩衙向後長無事門館多逢請益人

宿李主簿

一作劉員外

獨樹倚亭新月入城牆四面鏤山多去年今夜還來此

一作
留宿

坐見西風裏鵲

一作
燕

窠

寄潘緯

楊柳垂絲與地連歸來一醉向溪邊相逢頭白莫惆悵
世上無人長少年

潯陽與孫郎中宴迴

別酒已酣春漏前他人扶上北歸船潯陽渡口月亦上
漁火照江仍獨眠

送宗禪師

一作送僧
歸南嶽

衡陽到却

一作別

十三春行脚同來有幾人老大又

一作却

思歸嶽裏

一作嶽寺
一作故里

當時來

一作未

漆祖師身

送僧

草履初登南客船銅瓶猶貯北山泉
衡陽舊寺秋歸去

一作後

一作門院

鑊寒潭幾樹蟬

送蜀僧

萬里獨行無弟子惟齋筇竹與檀龕
看經更向吳中老

應是山川似劔南

過僧竹院

一生愛竹自未有每到此房歸不能高人留宿話禪後
寂寞雨堂空夜燈

憶潯陽舊居兼感長孫郎中

一作寄長孫中丞

潯陽却到是

一作知

何日此地今無舊使君長憶窮冬宿

廬嶽瀑泉冰折共僧聞

送郭秀才歸金陵

夏後客堂黃葉多又懷家國起悲歌酒前欲別語難盡
雲際相思心若何鳥下獨山秋寺磬人隨大舸晚江波
南徐舊業幾時到門掩殘陽積翠蘿

宿李樞書齋

小

一作書

齋經暮雨四面絕纖埃眠客聞風覺飛蟲入燭
來夜涼書讀遍月正戶全開住遠稀相見留連宿始迴

杪秋登江樓

一作岳陽樓

平楚起寒色長沙

一作杪秋

猶未還世情何處淡湘水向人

閒空翠隱高鳥夕陽歸遠山孤雲

一作舟

萬餘里惆悵洞

庭間

秋宿洞庭

洞庭初葉下旅客不勝愁
明月天涯夜青山江上秋
一官成白首萬里寄滄洲
只被浮名繫寧無媿海鷗

重陽

一作九月九日

雲木疎黃秋滿川
茱萸風裏一樽前
幾回為客逢佳節
曾見何人再少年
霜報征衣冷
針指鴈驚幽
隱泣雲泉

古來醉樂皆難得留

一作當

取窮通委上天

送李億東歸

黃山遠隔秦樹紫禁斜通渭城別路青青柳發前溪漠
漠花生和風澹蕩歸客落日殷勤早鶯灞上金樽未飲
讌歌已有餘聲

御定全唐詩卷五百三